

CONVENIO DE COLABORACIÓN ENTRE A CONSELLERÍA DO MAR E A CONFRARÍA DE PESCADORES VIRXE DO ROSARIO DE VILAXOÁN PARA A REALIZACIÓN DO PROXECTO DE RESTAURACIÓN DE HÁBITATS E ZONAS DE PRODUCCIÓN MARISQUEIRA

MEMORIA XUSTIFICATIVA

A directora xeral de Desenvolvemento Pesqueiro da Consellería do Mar, **DECLARA:**

Que esta Dirección Xeral de Desenvolvemento Pesqueiro formalizou ca Confraría de pescadores Virxe do Rosario de Vilaxoán o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2027.

Que o instrumento convencional ten por obxecto:

Establecer a colaboración entre a Xunta de Galicia, a través da Consellería do Mar, e a Confraría de pescadores de Virxe do Rosario de Vilaxoán para elaborar un plan de recuperación dos bancos marisqueiros, vinculado unicamente ao episodio de baixada da salinidade do ano 2026.

Os obxectivos específicos a acadar con dita proposta son os seguintes:

1. Programación de traballos de conservación, mantemento ou mellora

1.1. Acondicionamento e/ou emenda do substrato: Remoción do substrato empregando un arado adaptado. Acción de acondicionamento que ten como finalidade descompactar e osixenar o substrato nas épocas previas o desove, para así facilitar a fixación e enterramento dos novos exemplares de moluscos.

1.2. Control de depredadores/competidores: realizarase naquelas zonas onde se rexistren densidades elevadas dos novos recrutamentos de ameixa xaponesa e berberecho, e nos parques delimitados onde se semente cría de ameixa xaponesa.

1.3. Retirada de restos orgánicos e inorgánicos : A retirada dos restos orgánicos (conchas de bivalvos e arribazóns de algas) e inorgánicos (lixo mariño) acumulados nos areas leváranas a cabo os mariscadores manualmente ca axuda un tractor con remolque.



1.4. Sementeira: realizarana os mariscadores manualmente aproveitando as horas da baixamar cando o terreo quede en seco. Se fose necesario e previo a sementeira, preparárase o substrato ca retirada dos arribazóns de algas o lixo mariño acumulados na zona.

1.5. Participación en accións de formación: Se realizará unha xornada formativa de capacitación dixital e novas tecnoloxías para os mariscadores participantes no plan.

2. Accións de control, seguimento, protección e vixilancia dos bancos marisqueiros.

2.1. Vixilancia: Tal como ven contemplado no plan de xestión os mariscadores de Vilaxoán fan vixilancias informativas os 12 meses do ano. Organizados en 5 grupos de entre 12 e 14 persoas cada un, realizan xornadas de vixilancia en quendas de 6 a 10 persoas dependendo das características da baixamar.

2.2. Participación nas mostraxes e seguimento: A asistencia técnica realiza dous tipos de mostraxes: Mostraxes semestrais de avaliación do stock das especie recurso en todos os bancos marisqueiros incluídos no plan de xestión. E, mostraxes bimensuais de seguimento do crecemento e supervivencia das poboacións de ameixa xaponesa que van a ser sementadas en zonas acotadas dos bancos marisqueiros de Borreiros e Parques do Rial.

En particular, o convenio regula os compromisos das partes para a execución conxunta das mencionadas actuacións, incluíndo a organización do traballo, a xestión e xustificación da realización das mesmas, os dereitos e obrigas das partes, a distribución dos fondos e a titularidade dos resultados, así como a resolución dos posibles conflitos.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado se fundamenta no seguinte:

– O Regulamento (UE) 2021/1139 do Parlamento Europeo e do Consello, do 7 de xullo de 2021, polo que se establece o Fondo Europeo Marítimo, de Pesca e de Acuicultura (FEMPA), establece o seguinte obxectivo para o período 2021-2027: “Manter a pesca como actividade produtora sostible mediante a xestión sostible e a conservación dos ecosistemas mariños”. Por outra banda, a prioridade 1 do artigo 3 do citado Regulamento 2021/1139 fai mención a “fomentar a pesca sostible e a recuperación e conservación dos recursos biolóxicos acuáticos”, desenvolvendo obxectivos específicos entre os que se atopan: reforzar as actividades pesqueiras que sexan económica, social e ambientalmente sustentables, obter datos fiables que permitan tomar decisións baseadas no coñecemento e contribuír á protección e á recuperación da biodiversidade e os ecosistemas acuáticos.



No artigo 14 do devandito Regulamento (UE) 2021/1139 establécese que o apoio no marco desa prioridade 1 abarcará intervencións que contribúan á consecución dos obxectivos da PPC establecidos no artigo 2 do Regulamento (UE) 1380/2013, do Parlamento Europeo e do Consello, do 11 de decembro, por medio de determinados obxectivos específicos, entre os que se atopa o de contribuír á protección e á recuperación da biodiversidade e os ecosistemas acuáticos.

– Os proxectos aprobados financiaranse nun 70% con cargo ao Fondo Europeo Marítimo, de Pesca e de Acuicultura (FEMPA).

– O Consello da Xunta de Galicia, na súa reunión do día 25 de maio do 2026, autorizou a tramitación do convenio entre a Xunta de Galicia, a través da Consellería do Mar, e a confraría de pescadores Virxe do Rosario de Vilaxoán para o desenvolvemento do Plan de recuperación dos bancos marisqueiros, vinculado unicamente ao episodio de baixada da salinidade do ano 2026.

– O convenio asinouse o día 27 de maio do 2026.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria.

Santiago de Compostela, na data da sinatura dixital

A directora xeral de Desenvolvemento Pesqueiro

María de los Ángeles Vázquez Suárez

